

Statistički podaci PLIP-a za decembar 2002. godine

Prema statističkim podacima o provedbi imovinskih zakona koje je su danas objavile agencije PLIP (OHR, UNHCR, OSCE, CRPC i UNMIBH), provedba imovinskih zakona dostigla je 69 procenata na kraju 2002. godine uzimajući u obzir cijelu teritoriju BiH. Ova brojka predstavlja povećanje za teritoriju cijele zemlje od 28% za godinu 2002. u poređenju sa 20% u 2001. godini. Ovo je ohrabrujući pomak, ali još uvijek ima potrebe za pomacima, te je stoga potrebno da lokalni organi vlasti i dalje rade kako bi to osigurali.

U Distriktu Brčko riješeno je 74% zahtjeva; u Federaciji BiH je također zabilježeno 74% riješenih imovinskih zahtjeva, dok je u RS riješeno 62 % podnesenih zahtjeva. Ovo su podaci za kraj decembra 2002. godine. Od ukupno 245.973 imovinskih zahtjeva podnesenih općinskim stambenim uredima i OMI-jima riješeno je 168.976 zahtjeva. Agencije PLIP-a bilježe nagle padove i povećanja u nekim općinama. Ovo je rezultat revizije podnesenih zahtjeva, isključenja uništene imovine i usklađivanja metoda prikupljanja statističkih podataka, što je urađeno na teritoriji cijele zemlje.

Povrat imovine je suštinski preduslov za povratak i pomaci koje su organi Bosne i Hercegovine do sada postigli u ovoj oblasti su ohrabrujući ali proces još nije okončan. Neke općine su riješile sve podnesene zahtjeve za povrat imovine ili su blizu postizanja konačnog rezultata, dok druge, uključujući veće gradove, još uvijek zaostaju. Sarajevo, Banja Luka, Bijeljina, Višegrad, Zvornik i Donji Vakuf, između ostalih, moraju uložiti više napora, kako se navodi u dokumentu Novi strateški pravac, koji je usvojen od strane Vijeća za implementaciju mira 30. januara, na rješavanju svih imovinskih zahtjeva do kraja 2003. godine.

PLIP statistike možete pronaći na sljedećoj web stranici:

https://www.ohr.int/plip/pdf/plip_12.02bos.PDF